



古今圖書全編卷三十六

地道總叙

南昌後學章潢編

羲皇俯察地理孔聖下襲水土學羲孔之學而於地道弗之庸心焉可乎哉輿地廣矣山川之脉絡未易以周知矣而其大勢則自陰陽開闢天若有意以界夷夏而限南北者在分野則然是故自三危積石負終南地絡之陰抵大華而北逾大河並大行抵恒山之右循塞垣至於滅貊朝鮮是謂北紀胡門也自岷山番冢負地絡之陽並商山抵上洛而南逾江漢至於荆衡循嶺徼至於百粵是謂南紀越門也其間包有

六十四卦象
產畿振畫
九州江河分為兩界其大幹

險不可升也地險山川丘陵也王公設險以守其國所以公
劉相邠大王遷岐武王宅鎬成王營洛衛文卜乎楚丘形勝
亦古人所必擇而處也歷覽古今輿圖孰有如我
明大一統之盛兩都並據南北雄蓄而省府州縣翕然其環
拱哉然廣谷大川異制民生其間異俗剛柔遲速異齊所以
周禮體國經野辨方正位度地居民則壤成賦各隨地勢以
為之區畫至如今之邊防海防河運海運尤經世者所宜究
心余嘗愧不獲環孔轍躡禹跡以盡其俯察下襲之宜幸圖
籍具存亦可以不出戶庭而周知天下也故為地道編

分野總叙

分野之說蓋以星之在天者而分在地之土也觀周禮大司
徒言土宜辨十二土未言所辨何次保章氏言星土辨九州
未言所辨何星嘗以天象二十二州之名考之或者春秋戰
國時因皇土之義而詳其說乎但以列國參差不齊之地而
配乎在天一定之星諸家辨其非誠有然者易曰在天成象
在地成形雖以列星象官象民象物莫不驗也况天地本一
氣也謂其無所關焉可乎惟唐僧一行則以天下山川之象
存乎兩戒而分野一以山川為界不主封國郡邑之名庶乎
應各省地理圖并存古九州分星圖

省天文地理總圖



天文輿地似不相及而氣貫貫通嘗以十二次分野之說攷
 史策如五星聚東井而漢王入關箠掃之而符秦滅四星聚
 牛女而晉元王吳四星聚觜參而齊祖王魏景星見箕尾而
 慕容德復燕此其彰著影響卓犖者也故命之主祀而神格
 占之候氣而事驗豈誣哉近代言星土者或以州或以郡或
 以國世代降疆土裂合廢置不同因革以異亦安可得專矣
 國朝應運肇基歲自鳥帑旅于龍首是歲實平偽漢丁未改元
 歲在星紀為吳分壬午靖難在析木為燕分學士王福德所
 在其應如響至

丁未年實當己巳十午之欠於天地人三統之正適合惡可

以分界為星家之言而忽之哉

○星宿次度分屬州郡國邑考

十二次班固取三統曆配十二分野其言最詳又有費直說周易蔡邕月令章句頗有先後魏太史令陳卓更言郡國所入宿度今附而次之

自軫十二度為壽星於辰在辰鄭之分野屬兗州費直起軫七度蔡邕起軫

六度自氏五度至尾九度為大火於辰在郊宋之分野屬豫州費直

起氏十二度蔡邕起氏九度自尾十度至斗十一度為析木於辰在寅燕之分野屬幽州

起氏九度自斗十二度至女七度為星紀於辰在丑吳越之分野屬楊州費直起斗十度蔡邕起斗六度

自女八度至危十五度為玄枵於辰在子齊之分野屬青州費直起女六度蔡邕起女二度

自危十六度至奎四度為娵訾於辰在亥衛之分野屬并州費直起危十四度蔡邕起危十度

自奎五度至胃六度為降婁於辰在戌魯之分野屬徐州費直起奎六度蔡邕起奎八度

起奎八度

起奎六度蔡邕起奎八度
度為大梁於辰在酉趙之分野屬冀州

秦邕起胃一度

自畢十二度至東井十五度為實沈於辰在申魏之分野屬

益州費直起畢九度
秦邕起畢六度

自井十六度至柳八度為鶉首於辰在未秦之分野屬雍州

費直起井十二度
秦邕起井十度

自柳九度至張十六度為鶉火於辰在午周之分野屬三河

費直起柳五度
秦邕起柳三度

自張十七度至軫十一度為鶉尾於辰在巳楚之分野屬荆

州費直起張十三度
秦邕起張十二度

又改陳卓范蠡鬼谷先生張良諸葛亮譙周京房張衡所著州

郡躔次并方

角亢氏鄭兗州東郡入角一度
北陳晉入亢五度
東平任城山陰入角六度

泰山入角十二度濟

東平入成七度濟

房心宋豫州潁川入房一度
淮南入心一度
汝南入房二度
魯國入心三度
梁國入房五度

箕尾燕幽州涼州入箕十度
河西上郡北遼東西入尾一度
上谷入尾一度
漢陽入尾

涿郡入尾十六度勃海入箕一度
玄菟入箕六度
三度

斗牛女吳越楊九斗入會稽入牛一度
廬江入斗六度
豫章入

廣陵入牛八度六安入女六度
丹陽入斗六度

泗水入女一度齊國入虛六度
色日北海入虛九度
危九度
濟南入危
平

室壁衛并州 安定入室一度 天水入室八度 隴西入室

武都入壁一度 金城入壁四度 武陵入壁六度 墩隍

奎婁胃魯徐州 東海入奎一度 瑯琊入奎六度 高密入

昂畢趙翼州 魏郡入昂一度 距鹿入昂三度 常山入昂

河入昂九度 信都入畢三度 趙郡入畢八度 安平入

畢四度 河澗入畢十度 真定入畢十三度 蜀郡入參

甯參魏益州 廣漢入甯一度 趙高入甯三度 蜀郡入參

入參八度 漢中入參九度 益州入參七度 巴郡

井鬼秦雍州 雲中入井一度 定襄入井八度 鴈門入井

十九度 上黨入鬼二度 郡入井二十八度 太原入井二

柳星張周三河 弘農入柳一度 河南入星三度

翼軫楚荊州 南陽入翼六度 南郡入翼十度 江夏入翼

武陵入軫十度 長沙入軫十六度 桂陽入軫六度

北直隸順天府名幽州尾箕分野漢名廣陽宋名燕山

保定府古幽州尾箕分野漢為涿郡 河澗府古幽州尾箕

分野秦為鉅鹿上谷

真定府古冀州昂畢分野秦為鉅鹿常山

順德府古冀州昂分野 廣平府古冀州昂分野秦為邯鄲

大名府古冀充二州室壁分野商舊都春秋為晉地唐為魏

下司為淮軍

一系應子序古亦斗分野漢為丹陽郡吳為建業

鳳陽府古揚州斗分野古為塗山氏之國戰國時屬秦楚屬

九江郡漢為淮南唐為濠州 蕪州府古揚州斗分野秦置

會稽郡改江都 松江府古揚州斗分野晉時屬 州郡名

雲間 常州府古揚州斗分野秦為會稽郡唐為常州

鎮江府古揚州斗分野秦屬會稽郡晉屬毘陵唐為丹陽郡

揚州府古揚州斗牛分野秦為九江漢為廣陵 淮安府古

揚州斗牛分野秦為九江漢屬臨淮 廬州府古揚州斗分

野戰國為楚秦為九江郡漢為江都 安慶府古揚州斗分

野戰國屬楚秦屬九江漢屬廬陵 太平府古揚州斗分野

戰國屬楚秦屬漳郡漢為丹陽郡 寧國府古揚州斗分野

戰國屬越後屬楚秦為漳郡漢置丹陽郡晉名宣城 池州

府古揚州斗分野先越後楚漢為丹陽 徽州府古揚州斗

分野先越後楚秦為漳郡漢為丹陽 廣德州古揚州斗分

野戰國屬楚漢為丹陽 和州古揚州斗分野戰國屬楚秦

為九江漢初屬淮南 滁州古揚州斗分野戰國屬楚秦為

九江漢為淮南 徐州古徐州房心分野春秋為宋地秦置

彭城縣項羽都此

山西太原府古冀州參井分野漢置并州部唐為河東道

易付古冀州古參井分野堯都於此戰國屬韓後屬趙秦漢

中鴈門代郡 汾州古冀州參分野春秋屬晉戰國屬趙秦為雲
漢皆為大原 遼州古冀州參井分野春秋屬晉戰國屬韓
後屬趙為上黨 沁州古冀州春秋屬晉秦漢皆為上黨
潞州古冀州參井分野西北伯戡黎即此秦置上黨郡唐為
潞州 澤州古冀州潞參分野春秋屬晉戰國屬韓後屬趙
秦漢為上黨

山東濟南府古兗州危分分野春秋戰國並為齊漢為濟南郡
兗州府古徐兗二州奎婁分分野春秋為魯國戰國屬楚
東昌府古兗州危室分分野春秋為齊西鄙戰國為魏齊趙三

國之境秦漢為東郡 青州府古青州虛危分分野大公封於
此漢分置北海郡 登州府古青州危分分野唐虞時為嵎夷
秦為齊郡漢屬東郡魏析東萊郡 萊州府古青州危分分野
古萊夷地秦屬齊郡漢析至東萊郡遼東冀青二州舜分冀
東為北幽州即今廣寧以西之地青東北為營州即今廣寧
以東之地箕尾分分野戰國屬燕

河南開封府古兗豫二州角亢分分野春秋鄭衛陳三國之境戰
國魏都於此號為大梁秦為三川漢為陳晉 彰德府古冀
州室壁分野商河亶甲居相即此春秋為晉之東陽地戰國
白鬼之鄴地秦為上黨邯鄲二郡 衛輝府古冀州室壁分

男爵所都車馬之地秦屬河東郡漢屬河內郡 懷慶府
古冀州覃懷之地室壁分野商為畿內戰國屬魏衛鄭三國
河南府古豫州柳分野成王營洛在此東漢都於此 南陽
府古豫州張分野本夏禹之國春秋併於楚戰國屬韓光武
起兵春陵更始立於涇水皆在於此 汝寧府古豫州角亢
氏分野秦置潁川郡漢置汝南郡東魏改蔡州

陝西西安府古雍州井鬼分野周為王畿漢為三輔後改京兆
秦漢西晉魏後周隋唐並都於此 鳳翔府古雍州井鬼分
野周為岐周春秋戰國為秦武帝更名古扶風 漢中府古
梁雍二州井鬼翼軫分野春秋戰國時屬秦與楚漢高祖初

為漢王都南鄭即此漢武分隸益州 平涼府古雍州井鬼
分野秦屬北地郡漢析安定郡 鞏昌府古雍州井鬼分野
春秋為戎羗秦屬隴西郡東漢分立南安郡 臨洮府古雍
州井鬼分野春秋戰國時為羗所居秦漢為隴郡隋改金城
慶陽府古雍州井鬼分野春秋時為義渠戎國秦屬北地郡
延安府古雍州井鬼分野秦屬上郡漢初屬翟國 寧夏古
雍州井鬼分野春秋羗戎所居秦為上郡漢置朔方郡赫連
夏氏都於此 洮州古雍州井鬼分野秦為諸戎之地後為
吐谷渾所據隋置臨洮郡 岷州古雍州井鬼分野古西羗
也 為臨洮系焉隴西郡漢時晉因之 河州古雍州西羗

北秦屬隴西郡漢屬金城隴西二郡 靖虜古雍州西羗地
秦屬隴西郡漢屬金城 文縣古梁州并鬼分野春秋戰國
時為氐羗地 甘肅古雍州并鬼分野漢以前為月支國漢
武置酒泉武威張掖等郡

浙江杭州府古楊州并分野春秋屬吳越戰國屬楚秦為會稽
郡東漢屬吳郡隋置杭州改餘杭郡唐復為杭州 紹興府
古楊州并女分野禹會諸候于此春秋戰國時為越國秦置
會稽郡隋改越州唐改會稽郡 嚴州府古楊州牛女分野
春秋屬吳越戰國屬楚秦為會稽漳二郡漢屬會稽丹陽二
郡唐為睦州 金華府古楊州牛女分野春秋為越國秦屬

會稽郡漢屬會稽唐為婺州改東陽郡 衢州府古楊州牛
女分野春秋為越西鄙秦漢屬會稽郡 處州府古楊州斗
分野春秋戰國屬越秦為會稽郡漢為東甌 台州府古楊
州牛女分野春秋戰國時為越地秦屬閩中郡漢屬東甌國
温州府古楊州斗牛女分野春秋戰國時並屬越秦屬閩中
郡漢初為東甌國 寧波府古楊州牛女分野夏商周皆為
越地 湖州府古楊州斗牛女分野古為防風氏之國春秋屬
吳越戰國屬楚漢屬江都改會稽丹陽二郡唐置湖州改吳
興郡 嘉興府古楊州斗分野春秋屬吳越分境秦為會稽

江西南昌府古楊州斗分野春秋戰國時為吳越之交秦屬九

江郡漢置豫章郡 饒州府古楊州斗分野春秋時楚東境

後屬吳戰國復屬楚秦屬九江郡漢屬豫章郡 廣信府古

楊州斗分野春秋戰國迭為吳楚之地秦屬九江會稽二郡

漢屬豫章郡及會稽郡 南康府古楊州斗分野春秋為吳

楚之地戰國屬楚秦屬九江郡漢屬豫章郡 九江府古楊

州斗牛分野春秋為吳越地楚秦為九江郡漢分屬豫章郡

建昌府古楊州斗分野春秋為吳南境戰國屬楚秦屬九江

郡漢屬豫章郡 撫州府古楊州斗分野春秋為吳境後屬

越戰國屬楚秦屬九江漢為豫章郡吳名臨川 臨江府古

揚州斗分野春秋屬吳後屬越戰國屬楚秦為九江漢屬淮

南後屬豫章 吉安府古荆楊二州之域斗分野春秋屬吳

戰國屬楚秦屬九江長沙二郡漢屬豫章郡及長沙國晉為

廬陵郡 瑞州府古楊州斗分野春秋屬吳戰國屬楚秦屬

九江漢屬豫章唐置靖州 袁州府古楊州斗分野春秋屬

吳戰國屬楚秦屬九江漢屬豫章隋名宜春 贛州府古楊

州斗分野春秋屬吳越戰國屬楚秦屬九江漢屬豫章因二

水名章貢 南安府古楊州斗分野春秋屬吳越戰國屬楚

秦屬九江郡漢為豫章郡隋屬虔州

昌村古荆州翼軫分野周屬吳楚秦屬南郡漢置江夏

君 漢陽府古荊州翼軫分野戰國屬楚秦屬南郡漢為江夏郡安陸縣三國屬魏後屬吳 襄陽府古荊豫二州翼軫分野春秋屬楚秦為南郡漢南陽郡 德安府古荊州翼軫分野雲夢即此地秦屬南郡漢屬江夏郡劉宋置安陸郡 黃州府古荊州翼軫分野秦屬南郡漢屬江夏郡 荊州府古荊州翼軫分野春秋為楚都秦置南郡漢改為臨江郡 岳州府古荊州翼軫分野周以前為三苗地戰國屬楚秦為長沙郡劉宋復分巴陵等縣 長沙府古荊州翼軫分野商為荊楚地周始名長沙 寶慶府古荊州翼軫分野春秋戰國時屬楚秦屬長沙郡東漢屬零陵郡 衡州府古荊州翼

軫分野春秋楚地秦屬長沙漢初屬桂陽郡吳分為湘東衡陽二郡 常德府 辰州府古荊州翼軫分

野本蠻夷之地春秋屬楚秦屬黔中郡漢為長沙武陵二郡三國為武陵郡 永州府古荊州翼軫分野春秋戰國為楚南境秦為長沙郡漢置零陵郡 沔楊州古荊州翼軫分野春秋戰國時屬楚秦屬南郡漢為江夏郡 承天府古荊州翼軫分野春秋戰國時屬楚秦屬南郡漢屬江夏郡宋齊並為竟陵郡 靖州古荊州軫分野秦為黔中郡漢屬武陵郡武帝時屬牂牁郡唐為溪洞 郴州古荊州翼軫分野春秋戊戌屬楚秦屬長沙項羽徙義帝於此漢置桂陽郡屬荊州

荆州古荆梁二州翼分野春秋為巴國戰國為楚巫郡秦屬黔中郡漢屬南郡 永順古荆州翼軫分野蠻夷之地春秋楚國之境秦屬黔中郡漢為武陵郡 保靖古荆州翼軫分野隋為辰州地唐為溪州地宋置任靖州

四川成都府古梁州井鬼分野入參一度古為蜀國秦置蜀郡漢武置益州蜀郡隸焉蜀漢都此 保寧府古梁州井鬼分野春秋為巴秦置巴郡漢末改為巴西郡 順慶府古梁州參井分野春秋戰國時為巴子國秦屬巴郡劉宋析置宕渠縣郡 叙州府古梁州井鬼分野古為楚國漢為犍為郡重慶府古梁州井鬼分野周時巴子國秦置巴郡蜀王走孟

知祥繼有其地 夔州府古荆梁二州翼軫分野秦屬巴郡東漢分置永寧郡改巴東郡 馬湖府古梁州鬼分野古楚候國地夷僚所居漢武為犍為犍牁二郡 潼川州古梁州井鬼分野春秋戰國為蜀地秦為蜀郡漢置廣漢郡蜀漢分置梓潼郡隋改新城郡 眉州古梁州井鬼分野秦為蜀郡漢為犍為郡 瀘州古梁州井鬼分野春秋戰國為巴國秦屬巴郡漢 為犍為郡 雅州古梁州井鬼分野秦為嚴道屬蜀郡東川屬南詔烏蒙古梁州井鬼分野古為賈地甸漢為犍牁郡 烏撒古梁州井鬼分野 羊部古梁州井鬼分野古為屈沱大維甸 播州古梁州井鬼分野秦為夜郎且

廣二縣漢屬牂牁郡 永寧梁州之南境并鬼分野秦為屬郡
漢為益州 龍州古梁州并鬼分野周秦為氐羗漢為陰平道
屬益州 天全六番梁州之南境并兎分野古西南夷 平茶洞
古荆豫二州軫分野戰國為黔中地秦屬黔中郡漢屬武陵郡
松潘古梁州背參分野古氐羗地漢屬蜀郡 四川行都司
指揮使司古梁州并兎分野本西南夷漢武置越雋郡

福建福州府古楊州牛女分野周為七閩秦置閩中郡漢屬會稽郡唐為泉州改長樂郡 邵武府古楊州斗女分野周為七閩秦屬閩中郡漢屬會稽郡唐改屬建州 建寧府古楊州女分野周為七閩秦屬閩中郡漢屬會稽郡唐置建州改

建安郡 延平府古楊州牛女分野周為閩越秦屬閩中郡漢屬會稽郡唐為建福汀三州 興化府古楊州牛女分野周為七閩秦屬閩中郡漢屬會稽郡唐置隸豐州後隸泉州 泉州府古楊州牛女分野周為七閩秦屬閩中郡漢屬會稽郡唐置武榮州改清源郡 漳州府古楊州牛女分野周為七閩秦屬閩中郡漢屬會稽郡唐置漳州改漳浦郡 汀州府古楊州牛女分野周為七閩秦屬閩中郡漢屬會稽郡唐置汀州改臨汀郡

廣東廣州府楊州之南境牛女分野春秋為南越地秦置南海郡 韶州府古楊州牛女分野 趙陀據其地漢武為南海郡

史者秋為百粵地戰國屬楚秦為南海郡漢初屬南越漢武
屬桂楊郡 南雄府古楊州牛女分野戰國屬楚秦屬南郡
漢屬桂楊郡 惠州府古楊州女分野秦為南海郡漢初
屬南越國 潮州府古楊州牛分野古為閩越地秦屬南海
郡漢初屬南越 肇慶府楊州之南境牛女分野春秋為百
粵地秦為南海郡漢為蒼梧合浦二郡 高州府古越地牛
女分野秦為南海郡漢為合浦郡三國吳置為涼郡 廉州
府古南越地翼軫分野秦為象郡三國吳改珠官郡 雷州
府古百粵地牛女分野漢為徐聞縣 瓊州府古百粵地牛
女分野漢古置珠崖儋耳二郡

廣西桂林府古荊州翼軫分野古粵地戰國為楚秦為桂林郡
漢屬蒼梧二郡 柳州府古百粵地翼軫分野秦為桂林郡
漢屬桂鬱林郡 慶遠府古百粵地翼軫分野秦為象郡漢
為交趾日南二郡 平樂府古荊州翼軫分野古為百粵地
秦屬桂林郡漢屬蒼梧郡吳置 郡 梧州府古荊州牛
女分野閩為百粵地秦屬桂林郡後屬南粵漢置蒼梧郡
潯州府古百粵地翼軫分野秦為桂林郡漢屬鬱林蒼梧二
郡 南寧府古楊州西南境翼軫分野周為百粵地秦為桂
林郡漢為鬱林郡 太平府古南粵地漢屬交趾郡晉以來
為秦居之唐為羈縻州 田州府古百粵地漢屬交趾郡唐

隸邕州 思明府古百粵地漢屬交趾郡唐置思明州隸邕
州 思思古百粵地漢屬交趾郡古百粵地唐隸邕州 鎮
安府古百粵地屬交趾 泗城府古百粵地屬交趾米隸邕
州 利州古百粵地漢屬交趾郡米建利州 泰議州古百
粵地屬交趾 白武州古百粵地漢屬交趾 都康州古百
粵地屬交趾 江州古百粵地漢屬交趾 上林古百粵地
漢屬交趾 安隆古百粵地漢屬交趾
雲南雲南府古梁州界井鬼分野 大理府古梁州界井鬼分
野漢屬益州郡 臨安府古梁州井鬼漢屬牂牁郡 楚雄
府古梁州界井鬼分野漢為益州郡 徽江府古梁州界井

鬼分野古西南夷 蒙化府

景東府

古柘南也 廣南府宋名特磨道儂智高之裔君之

廣西府古梁州界古鎮國東南境漢為益州牂牁郡 鎮元

府古西南極邊地唐時南詔蒙氏為生銀府 永寧府昔名

樓頭賤地接吐蕃 順寧府東蒲蠻之地 曲靖古梁州界

井鬼分野漢為益州郡 姚安東滇國地漢屬益州郡 鶴

慶東漢為永昌郡唐為越南詔之地 武定古梁州界井鬼

分野古滇國漢屬益州郡 尋甸古滇國地昔僂刺蠻居此

麗江古梁州界井鬼分野漢為越雋益州二郡 元江古西

南極邊之也 什勝州南詔異牟尋好開基地 馬龍他

前自阿璞諸者壘台者據之 瀾滄元為州勝州地 金齒
古梁州西南激外之地古哀牢國 勝衝漢為永昌郡西境
車里蠻名車里倭泥貉獯滿刺黑角諸蠻雜居 木邦舊名
孟都一名孟邦 孟養地名 拘 緬甸古西南夷 八百
大甸 老撾俗呼撾自古不通中國 孟定府舊名景麻
孟艮府 南甸舊名南宋 干崖 龍川舊名為麓州地以
白夷所居 威遠州 灣甸州 蠻名細賧元屬鎮康路
芊布其地舊曰怒謀

貴州貴州宣慰使司荆梁二州之南境參井分野東南夷
思州府楚為黔中地漢屬 林 鎮遠府荆州南境舊為豎

耶大田溪洞 石阡府荆南裔 銅仁府荆州南裔星分野
古為漢蠻地 黎平府荆州荒裔翼軫之余夜郎之地 晉
安州古梁州界井鬼分野古夜郎地秦為黔中漢隸牂牁郡
永寧州古為荒服地 鎮寧州古為荒服地 安順州古為
荒服地

分野分配州郡總說

欽天監十二分野分配州郡與唐天文志稍異貞觀中淳風
撰法象志因漢書十二次度数始以唐之州縣配而一行以
為天下山河之象存乎兩戒北戒自三危積石負終南地絡
之會東及大華逾河並雷首底柱王屋太行北抵常山之右

乃身循塞垣至稱貊朝鮮是謂北紀以限夷狄南戒自岷山
嶓冢負地絡之陽東及太華連商山熊耳外方桐栢自上絡
南逾江漢搗武當荆山至于衡陽乃東循嶺徼達東甌閩中
是謂南紀以限蠻夷故星傳謂北戒為胡門南戒為越門河
源自北紀之首循雍州北徼達華陰而與地絡相會並行而
東至太行之曲分而東流與涇渭濟瀆相為表裏謂之北河
江源自南紀之首循梁州南徼達華陽而亦與地絡相會並
行而東及荆山之荆陽分而東流漢水淮瀆相會表裏謂之
南河故於天象則弘農分陝為兩河之會五服諸候在焉自
陝而西為秦涼北紀山河之曲為晉代南紀山河之曲為巴

蜀皆負險用武之國也自陝而東山川中嶽為成周西外方
大伾北至於濟南至于淮東達距野為宋鄭陳蔡河內及濟
水之陽為鄘衛漢東濱淮水之陰為申隨皆四戰用文之國
也北紀之東至北河之北為邢趙南紀之東至南河之南為
荆楚自北河下流南距岱山為三齊夾右碣石為北燕自南
河下流北距岱山為鄒魯南涉江淮為吳越皆負海之國也
貨殖所阜也自河源循塞垣北東及海為戎狄自江源循嶺
徼南東及海為蠻越觀兩象與雲漢之所始終而分野可知
矣於易五月一陰生而雲漢潛萌于天稷之下進及井鉞間
尋申雉之氣治陰達於地上而雲漢上升始交于列宿七緯

之氣通矣東井據百川上流故鶉首為秦屬墟得兩戒山河
之首雲漢連坤維右而漸升而始居列宿上甯觴參伐皆直
天閔表而在河陰故實沉下流得大梁距河稍遠涉陰亦深
故其分野自漳濱卻負恒山居北紀衆山之東南外接髦頭
地皆河外陰國也十月陰氣進踰乾維始上達于天雲漢至
營室東壁間升氣悉寃與內規相接故自南正達于西正得
雲漢升氣為山河上流自北正達于東正得雲漢降氣為山
河下流陬訾在雲漢升降中居水行正位故其分野當中州
河濟間且王良閭道由紫垣絕漢抵營室上帝離宮也內接
成周皆豕韋分十一月一陽生而雲漢漸降退及艮維始下

接於地至斗建間始復與列舍氣通於易天地始交泰象也
踰析木津陰氣益降進及大辰升陽之氣寃而雲漢沉潛於
東正之中故易雷出地曰豫龍出泉曰解皆房心象也星紀
得漢雲下流百川歸焉析木為雲漢末派山河極焉故其分
野自南河下流窮南紀之曲東南負海為星紀自北河末派
窮北紀之曲東北負海為析木負海者以其雲漢之陰也唯
陬訾內接紫宮在王畿在河濟間降婁玄枵與山河首尾相
遠隣顛頊之墟故為中州負海之國也其地當南河之北北
河之南界以岱宗至于東海自鶉首踰河戒東曰鶉火得重
在土立軒轅之祗在焉其分野自河會之交東接祝聖之墟

北負河南及漢蓋寒燠之所均也自析木紀天漢而南曰大火得明堂升氣天市之都在焉其分野自距野岱宗西至東流北負河濟南及淮皆和氣之所布也陽氣自明堂漸升遠于龍角曰壽星龍角謂之天闕於易氣以陽決陰夫象也升陽進踰天闕得純乾之位故鶉尾直建己之月內列太微為天庭其分野自南河以負海亦純陽地也壽星在天闕內故其分野在商尾西南淮水之陰北連太室之東自陽盛之際亦巽維地也夫雲漢自坤抵艮為地紀北斗自乾攜巽為天網其分野與帝車相直皆五帝墟也宛咸池之政而在乾維內者降婁也故為少昊之墟叶北官之政而在乾維外者訾

取也故為顓頊之墟成攝提之政而在巽維內者壽星也故為太昊之墟布太微之政而在巽維外者鶉尾也故為烈山氏之墟得四海中承太階之政軒轅也故為有熊氏之墟木金得天地之微氣其神治於季月水火得天地之章氣其神治於孟月故章道存乎至微道存乎終皆陰陽變化之際也若微者沉潛而不及章者高明而過亢皆非上帝之居也斗杓謂之外庭陽精之所布也斗魁謂之會府陽精之所復也杓以治外故鶉尾為南方負海之國魁以治內故取訾為中州四戰之國其餘列舍在雲漢之陰者八為負海之國在雲漢之陽者四為四戰之國降婁玄枵以負東海其神主於岱

守晨星位焉星紀鶉尾以負南海其神主于衡山熒惑位焉
鶉首實沉以負西海其神主于華山太白位焉大梁析木以
負北海其神主于恒山辰星位焉鶉火大火壽星辰常為中
州其神主於嵩嶽鎮星位焉近代諸儒言星土者或以州或
國虞夏秦漢郡國廢置不同周之興也王畿千里及其衰也
僅得河南七縣今天下一統而直以鶉火為周分則疆場舛
矣七國之初天下地形雌韓而雄魏魏地西距高陵盡河東
河內北固漳鄴東分梁宋至於汝南韓據全鄭之地南盡潁
川南陽西達魏貉距函谷固宜陽北連上地皆綿亘數州相
錯如繡考雲漢山河之象多者或至十餘宿其後魏徒大梁

則西河合于東井秦拔宜陽而上黨入於輿鬼方戰國未滅
星家之言屢有明效今則同在畿甸之中矣而或者猶據漢
書地理志推之是守其石遺術而不知變通之數也又古之
辰次與節氣相係各據當時曆數與歲差迥徙不同今更以
七宿之中分四象中位自上元之首以度數紀之而著其分
野其州縣雖改隸不同但據山河以分爾晉天文志十二次
分野始角亢者以東方蒼龍為首也唐十二次始女虛危者
以十二支子為首也其斗牛為星分之首者日月星起於斗
宿古之言天者由斗牛以紀星故曰星紀則星紀為十二次
之首而斗牛又二十八舍之首也本朝應運肇基而南京應

天庠星紀斗牛之分且與天地人三統之正相協自周以來
數千年間帝王之運適符於今豈偶然哉

諸星分野附

斗北 一主秦 二主楚 三主梁 四主吳 五主趙 六主燕

七主齊

斗南 一主吳 二主會稽 三主丹陽 四主豫章 五主廬江

六主九江

三台 上台上星主兗豫下星主荆揚 中台上星主梁雍下星主

冀州 下台上星主青州下星主徐州

五車 一主秦 二主燕趙 三主魯衛 四主楚 五主魏衛

五星 所主 歲星主齊魯東吳青徐楊兗之地 熒惑主荆楚川南荆

州衡陽之地 鎮星主中州三河梁豫之地 太白血西維

秦晉巴蜀梁雍之地 辰星主燕趙代幽燕之地

天市垣 下元一宮名天市兩扇垣墻二十二東邊宋與南海閔燕

東徐越齊中山九河趙魏次其間兩邊韓楚梁巴蜀周與鄭

晉并河澗河中直在頭上安

紫微垣 左樞右樞當門路左畔上少分宰輔上衛少衛次第分六

丞最後成八數兩邊少尉起等初輔衛亦分上少無上丞最

後對上少七星點點不掬望

十二諸候次第陳先後越國向東論東西兩周次二陳秦

舜居南雙鴈門代國向西一緡紳韓魏各一皆北輪楚之一
國魏西屯楚城南畔 燕畢燕西郡是齊鄰齊北兩點平原
君欲知鄭是越不存十六 星細區分

十干分野 甲乙海外日月 丙丁江淮海岱 戊己中州河濟 庚

辛華山以西 壬癸常山以北 甲齊乙東夷 丙楚丁南

夷 戊魏己韓 庚秦辛西夷 壬燕趙癸北夷

十二支分野 子周 丑翟 寅趙 卯鄭 辰邯鄲 巳衛 午秦

未中山 申齊 酉魯 戌吳越 亥燕代

總論分野

分野視分星古不謂地也地有被此之不齊而分野在天則

一定而不易以彼此不齊之地必欲求配於在天十二次整
然之分野其說之難通也固宜蓋天有三垣紫微太微天市
是也紫微太微皆將相輔佐之位而天市下垣則列國星宿
之所在其星東南二十二宋南海燕東海徐吳越齊中山九
河趙魏韓楚梁巴蜀秦周鄭晉河澗河中曰分野者指列星
所屬之分而言也鄭氏所謂星土星所主土是也其國在此
而星則在彼彼此若不相配而其為象未嘗不相屬非地之
在此者其分野在天亦居此地之在南者分野在天亦居南
也列國之在天下彼此縱橫之不齊猶大乎然而欲以其地
之不齊者求合乎在天分野之整然彼此之不相配無足怪


者甚者至於天之北極為天之首其體反背故有吳北魯東
之差其惑甚矣易不雲乎在天成象在地成形水火金木土
其形在地者也而天有其星焉所謂象也豈惟五星哉凡物
莫不皆然矣故天齊吳燕宋韓楚周秦魏趙諸候之地地之
形也而其星在天象之謂也地有是形則天有是星有是星
則有是名曰齊吳燕宋韓楚周秦魏趙列國者非後世有是
名而舉以為分野之名也何以知其然也徵諸南海東海九
河河澗河中巴蜀中山有以知之也東海南海九河河澗河
中非國中山巴蜀非若諸國之顯也故曰地有是形則天有
是星而分野者指列星所屬之分而言也或曰若然則十二次

界之所抵則星之所辨亦畧可觀矣分野之疑何始乎曰二
鄭之釋周禮也按大司徒曰以土宜之法辨十有二土之名
物康成以為十二土分野十二邦繫十二次各有所宜保章
氏曰以星土辨九州之地所封封域各有分星司農引春秋
傳曰參為晉星商主大火國語曰歲之所在則我有周之分
野是也康成則曰今其存可言者十二次之分也此分野之
辨所以紛紛而不一歟自時厥後或以十二州配之或以列
郡配之或以山河兩界配之或以七星主九州後天文志或以
七星主七國晉志或繫之二十八宿或繫之五星紛紛異論是
以學者多疑焉主分野之是者則曰自柳九度至張十六度

為鶉火之次當周之分武王克商歲在鶉火伶州鳩曰歲之所在則我有周之分野則周屬鶉火可知自畢十二度至東井十五度為實沈之次當晉之分晉文即位歲在實沈董固曰實沈之次晉人是居則晉屬實沈可知自張十七度至軫十七度為鶉尾之次當楚之分魯襄公二十八年歲淫於玄枵而裨竈之楚子之將死且曰歲棄其次而旅於明年之次以害鳥帑周楚惡之說者謂帑鳥尾也則楚屬鶉尾可知自氐五度至尾九度為大火之次當宋之分昭公十七年星見火辰而梓慎知宋之將火且曰宋大辰之墟鄭祝融之墟也皆火序也說者謂辰大火也則宋屬大火可知此則分野之

之說將無所徵與曰十二次所以驗天運之度数日躔之次舍此蓋古法而曆家之所取驗者也因其度数舍之所在而妖祥見焉則其所屬之地從亦可徵矣抑分野之說豈專繫於是哉又按宋葉時禮經元會辨尤詳茲不能具矣

九州分星圖



按大司徒只言土宜辨三土不言所辨何次保章只言星土辨九州不言所辨何星又言所封之域皆有分星亦不言其何分也康成以春秋時十二圖分配十二次恐未必然今此圖不指定九州分配某星只按職方氏所言九州東西南北自有定界觀九州地

說不為疑矣辨分野之非者則曰吳越南而星紀北齊東而玄枹北衛東而檉訾北魯東而降婁西周宅中土而柳星乃位於南以柳星為周可乎秦在西北而井鬼乃在乎西南以井鬼為秦可乎觜參在西魏在東北以觜參為魏可乎角亢東宿鄭在滎陽而屬於角亢可乎昂畢西宿趙居河朔而屬於昂畢可乎又曰牛女北也史記謂之揚州虛危北也史記謂之青州昂畢西也史記謂之冀州婁奎西也史記謂之徐州魏冀州之國也晉則不屬於冀而屬於益魯兗州之國也魯則不屬於兗而屬於徐此則分野之說為可疑矣然畧分序之說而不信則周禮有不應有星土之辨拘分野之說以

焉駭則左氏未免有傳會之誣更以左氏考之無冰之災何
關於元枵星紀而梓慎以為宋鄭之飢襄二十八年日食之變何
與於彗常降婁而士元伯以為魯衛之惡昭七年星紀果同為
分則吳亦得歲士墨何以謂之越得歲而吳伐之必受其凶
昭二十二年參墟果為晉分則實沈為星子產何以謂之高辛之
子而能為晉侯之崇昭元年此又左氏之說又不足信也又以
史冊觀之四星聚牛女而晉元王吳四星聚觜參而齊祖王
魏彗星掃東井而符堅亡秦景星見箕尾而慕容德復燕此
又分野之驗而未可以盡畧之也蓋星土分星本不可以州
國拘也且以職方氏言地理必指其東西南北之所在山鎮

川澤之所分民畜穀利之所有獨於天文之紀如司徒只言
十有二土未嘗斥言其所應者何次保章氏言星土辨九州
之地不明言其所辨者何星是星土分星不可以州國定名
亦明矣愚以保章觀之隨其土之所屬應其星之所臨故謂
之星土辨九州之地非如鄭氏言十二邦繫十二次也隨其
國之所封屬其星之所在故謂之所封封域皆有分星亦非
如賈氏言受封之日歲星所在國屬焉夫九州上應星土則
三百餘度皆有其驗豈特十二次而已乎封域皆有分星則
千八百國皆有所屬豈特十二國而已乎九州之土皆配星
九州之國皆有分故因其星可以辨其州之地因其分可以

歡其國之妖祥保章氏之說而是而已說者何必牽合傳會而定指後世郡國之名以求配之也昔孔子作春秋日食隕星之變無所不記豈必皆周魯之分而後言之乎五星聚東井漢入秦之應也崔浩嘗言其不在十月司馬公作通鑑乃弃之而不取歐陽志唐天文九日食星孛之變一一紀之而獨不言其事應亦豈拘拘於分野之說哉大抵周官所辨者畝以觀妖祥爾天子之所觀者九州也諸侯之所觀者一國也諸侯以一國分星而驗一國天子以九州星土而辨九州諸侯觀一國之妖祥而為一國之備可也天子可以諉之一國分星之所屬而不為之救政序事乎知乎此則可以言星

土分星之說矣

分野辨

按分野之說自周禮保章氏以星土辨九州之地所封封域各有分星故後世若范蠡王鬼谷張晉侯諸葛孔明譙周京房張衡諸子並云十二國以當十二次而已漢書始分十二次度数魏太史令陳卓始立郡國所入宿度唐天文志又以山河兩戒分南北分野之說諸家不同大抵十二次者星之土九州者地之土所封封域之星乃歲星之分也歲主農祥者稷憑焉故周人常閱其機祥以觀善敗其始王也歲次于鳥火以達天竈及其衰也淫于玄枵以害鳥帑所觀者在歲

之次舍不在其度數之縷析蓋以天體赤道度多黃道度少
兩次相交又非截然彼我之分且天下之九州整折牙制勢
既不同而隨時削益統復不一又可以一度二度限之乎蓋
嘗稽之晉文即位歲在實沈故董固曰始受實沈之星實沈
之次晉人是居吳伐越歲在星紀故士墨曰越得歲吳伐必
受其凶五星聚東井而漢高帝秦聚牛女而晉元王吳聚觜
參而齊祖王魏要皆以十二次繫十二國占十二歲星也漢
魏分度之說與後世日者之術無異先儒嘗言之者若宋葉文
康公嘗於分野辨其垂謬嘉定中知靜江府蔡氏勘者亦嘗
辨其荆楊之異乃若分度之非則未之及自今言之蒼梧以

上為楚下為楊越境土相接若此其密而星紀去鶉尾四百
四十餘度如以今桂林楚野入軫十一則已涉壽星為鄭地
矣蓋度者天之經體兩極相懸所以紀辰曜於一日之差而
非所以語九州郡邑之素定也况自度法既立而後世之言
占者未聞一應則亦奚以度為哉如春秋文耀鉤北斗分楚
荆則屬衡晉志牛女十六星主十二國魏西一星則屬楚宋
天文志天市垣二十二星其西垣第二星居韓梁之間曰亦
楚星則一次舍之間即有諸國之通繫長沙附軫東歐附翼
南蠻之星觀於軫轄又豈非類見獨發而不必以度占者乎
天分土之體亦猶人身苟有痲痺則四肢百體莫不震動故

天下



患之所及雖鄰國不免於災况其本乎區區以絲分縷析之
 數求三才之昭合某雖愚未之信矣

總 國



南贍部州者乃四州之一也海中有須彌盧此云妙高山出水三百三十六萬里入水亦熒日月腰中旋照四州此州在須彌之南其地形三角南狹北廣人面肖之周二十八萬里大小江河二千五百大國十六中國五百小國十萬諸國中印土為最大實當州之正中我震旦九州介洲之東北特中國數耳印土乃天竺之正名北背雪山三岳大海地形南狹如月上弦平地廣周九萬里大小七千餘城古有轉輪王建都於此也震旦地形南廣北狹周二萬七千餘里自古三皇開闢未聞分野至帝嚳始劃九州夏分萬國商曰三千周曰千八百百國歷皇王周孔所化聲名文物獨盛焉北印土

之北其地尚廣東西俱海南北可二萬里皆頑山砂磧人
襍居乃上古異類與人交感而生者如獫狁姜戎匈奴突厥
等獠族種不一亦有君長統之而獷悍難馴故直以邊野目
之中印土至東海邊四萬五千里西南北彷彿此南洲之大
較也洲中有大池周八百里名阿耨達此云無熱居香山南
雪山北派分四河流入大海池東曰恒河逸池流入東南海
南曰信度河流入西南海西曰縛菊河流入西北海北曰佻
多河流注東北至烏熬國盪澤入地潛流抵積石山復湧山
為黃河之源今傳星宿海是也又於岷山湧出為川江之原
今長江一帶是也天下泉流綿綿不絕者悉源于池之一派

潛通耳世傳水皆東流不知印土以西水皆西流也且儒書
所稱四海而論王教所及唯曰東漸于海是上古聖人豈不
知震旦之介在東偏而印土尚有南西北海哉意者秦之火
后墳典索丘俱燼不獲見圖經之全耳究竟地形非佛經不
足以覈其致矣照禪暇之余檢閱三藏至統紀中有震旦圖
漢西域諸國面盤師西土五印圖三番參合道里畧備但形
勢失次覽者茫狀於是再探衆經圖洲潭之形勢及考諸師
西域等傳列衆國名又採摭洪範等書參倂海中諸國以妥
方向災圖所列者亦百分之一耳要知一世界中山之大者
莫若須彌境之大者莫若四洲其余海島拳石之國或千工

萬里如星羅棋布為人仙神鬼龍獸異類所居不可勝紀
南洲大畧如此

古今圖書全編卷之三十七

南昌後學章潢編

天下山川海嶽大勢圖叙

論天下之大勢者必周覽乎山川山者水之源水者山之委
諸山皆發脉于崑崙本雖同而末則異諸水皆會歸于海本
雖異而末則同所以山愈聳愈高而分則小水愈下愈大而
合則多其勢然也然山各鎮乎一方而水則以江河為中源
兩大戒也是故河為北戒而濟會於河江為南界而漢則會
於江然河之源發于崑崙以西之星宿海江雖發源岷山若
以雲南之金沙江言之則江源亦本之西也是水皆源於西
也雖因江河以分于南北不其會歸於東海矣之即水之口

戒以觀乎山凡河北諸山皆自代北襄武嵐憲不來為善山
為析城玉屋為雷首為大行為恒岳而東為岱岳江南諸山
皆來自岷峨由滇貴至廣右經武岡寶慶至衡陽為南岳散
為廬阜為會稽鴈蕩為金陵又別為閩粵是山之支分又水
之流派所由辨也然則觀於名山大川而形勝鞏固風氣攸
鍾天下之大勢不即此可知乎雖然予自幼聞山過山水過
水之說嘗兩否之及讀前人書於水過水則然于山過山則
否予亦從而然之否之也自今言之合天下之水為一水而
其源分派異故有味別之說但理雖可信味實未易測也象
山鼎峙雖小大卑高不齊而支派連絡脉理分明此則有形

可觀者人反莫之信焉何哉噫無恠其然也兩山之中必有
水兩水之中必有山加以山過水也山雖斷而脉不斷水過
山也水雖分而流未分此豈常情所能識哉但坎流艮止可
以跡求可以意會惟隨地以察其情不執見以定其局則不
獨天下之山川大勢瞭然在目中也以此周覽一郡一邑一
家之形勝亦然故易曰俯以察於地理

中國三大幹



龍總覽之圖



論三大幹龍

朱子曰天下有三處大水曰黃河曰長江曰鴨綠江今以輿圖攷之長江與南海夾南條幹龍盡於東南海黃河與長江夾中條幹龍盡於東海黃河與鴨綠江夾北條幹龍盡於遼海此則自其水源之極遠者而論之耳泄天機不原水之遠近龍之配敵惟據禹貢江淮河漢四水及王鄭三條四例之名而以中幹分為二支謂有四大幹龍殊不知禹貢所敘山川自與地理家所論不同先儒蔡文正公蓋嘗辨之曰禹之治水隨山刊木其所表識諸山之名必其高大可以辨疆域廣博可以奠民居故謹而書之以見其施功之始弟初非

意推其脉絡之所自来若今之墾法所言者又曰土鄭三
四例之名皆為未當是故草廬吳文正公有云崑崙為三極
之祖分派三幹以入中國良可據也

論南條幹龍脉絡

按廖氏金壁玄文云大江以南之龍其脉起自岷山在茂州岷山縣
遠行而西自西而南至雲南之境又東趨夜郎踰桂嶺至零
陵為九疑山入桂連撼龍經云五嶺分星入桂連是也過大
庾嶺出南雄由汀從邵武抵信走徽東行為天目一枝為錢
塘經云一枝分送入海門九稱經者即楊公三龍經也後倣此
又云海門旺氣連閩粵南龍支隴交相纏此是海門南脉絡

貨財文武交相錯是也一枝為建康今南京應天府盡江陰經云幹
龍盡在江陰墳是也一枝自靈山逆奔盡鄱湖其水源則
湘水出永州零陵縣至洞庭湖入長江

論中條幹龍脉絡

大河以南大江以北乃中條幹龍其脉起自西傾在洮州行臨鞏縣
隴右經云山來隴右尖如削盡是貪狼更高卓此處如何不
出文只為峯多反成濁是也過鳳翔經云行行退卸大散關
在鳳翔府寶雞縣百二山河在此間大纏大護到函谷在弘農縣水出黃
河如玦環是也為長安一枝出熊耳在高州上洛縣經云低平山漸
出熊耳萬里平洋漸如砥是也為嵩嶽為一經一入梁形

亦無山到此尋龍何處是若無河流與淮水渺汗之不
山是也此處脉亂於河經云河流衝決山斷絕又無石且又
無脉君若到彼說星峯一句不容三寸舌是也出兗為泰嶽
經云黃河在北大江南兩水夾行勢不絕行到青齊忽起峯
兗州東嶽插天雄分枝孽脉鍾靈氣聖賢多在魯邦中是也
一枝盡於登萊一枝盡於滄棣其水源則濟水出絳州垣
曲縣至孟州温縣入河復出河之南溢而為滎又東北至平
青州入海自宋元以來河水穿淮黃河故道淤而東岳泰山今在河北矣
又一枝自嶧冢西行湄州漢水之間出武關由裕過唐抵信
陽行淮水之南趨廬行淮水之東為楊盡於通其水源漢

水出嶧冢至漢陽縣入江 淮水出桐栢山在唐州桐栢縣至淮安

入海

撰此一枝泄天机直為一大幹而謂中國有四大幹龍固亦非謬但以極長者論之則此非其所配况青囊理氣心印及諸明術皆無四幹之說今從衆要之此蓋三大幹龍之亞耳辨見前三大幹下

論北條幹龍脉絡

大河以北之龍其脉起自崑崙經云崑崙山脚出闐顏闐音田

名隻々都是破軍山連綿走入瀚海北北海名風俗强悍人粗

頑生兒五歲學騎射骨鯁方剛是此間是也至白登山名在大同府

白登西一枝為壺口在隰州吉鄉縣大嶽在晉州霍邑次一枝南出五柝

城在澤州而西柝為雷首在河中府又次一枝西大行

州河內北至岫州九嶺綿亘一十二州之界有八陞又次一枝為恒在定曲又次枝為燕山盡於平滌碣石山在平州廬縣經云若以乾龍論盡大行碣石至海墘是也其水源則汾水出晉州晉涇山至絳州入于海

三幹分派

三大幹龍皆始於崑崙分派三條以入中國其所歷九州則北條出河北入雲中過鴈門代郡復回南而大原帝丘循太行垣山派九河東北渡遼海以入于海為冀燕之分中條出河南自秦隴三輔入豐沛汾晉派伊洛東而淮泗以入于海為雍豫徐青之分南條出江南自陝右分出西鄙迴巴

蜀踰荆衡入黔中東而匡阜南極嶺海東北渡閩粵跨三吳自浙右以入于海為梁荆楊之分

三幹總論

三幹之布於九州也三幹之龍中幹最尊次北幹又次南幹故歷代以來而漢高祖之泗上漢光武之白水村宋太祖之夾馬營我

大祖之鍾離鄉皆在中幹而唐虞之君俱為北產南幹至宋以來運氣方興萃產朱子為萬世儒宗而邇來文物東南為多其南幹之最長者為金陵我國朝根本重地大祖高皇帝龍興之畿也

中幹之最長者盡東泰翻身顧祖東海外一河則向差
孔聖及賢貴凝聚宋末河從截其來脉者三會迤河復截
之其力遂微而中幹之旺氣乃萃於泗州鳳陽我皇朝
熙祖仁祖二陵在焉

北幹之最長者為燕京今京師也朱子曰冀都是正天地
中間好箇大風水山脉從雲中發來雲中正高脊處自脊以
西之水則西流入于龍門西河自脊以東之水則東流入于
海前面一條黃河環繞右畔是華山聳立為虎自華來至中
為嵩山是為前案遂過去為泰山聳於左是為龍淮南諸山
是第二重案江南諸山及五嶺

南安大庾嶺桂陽騎田嶺九真都龐嶺臨賀萌浩嶺治安

越城嶺又為第三四重案正謂此也吳興唐子鎮以燕京為

是也枝結以堯都為正結而未朱子所論冀都指作堯都非也彼
蓋未考舜分冀東北為幽州而幽燕乃古通稱曰冀耳若堯
都既為朱子所稱之冀則朱子又何復曰堯都中原風水極
佳左河東天行諸山相繞海島諸山亦皆相向右河南遠直
至泰山湊海云此不待辨說而明矣故丘文莊公大學衍
義補直以朱子所稱為今

京師誠確見也其以燕京為枝結者不為妄談乎夫南幹正
結為南畿及我

大祖高皇帝孝陵中幹正結為我

熙祖 仁祖 皇陵北幹正結為

今日京師三幹之盡惟我

朝獨會其全回視唐虞以來或得正幹之一或得分幹之一者亦能衍數百年之基則我

朝三大幹之福力真億萬斯年可預卜于茲也

中國地脉三支總論

地脉向中國來者三支北絡發崑崙東折而東南行其背為北狄其正結為冀都其支結為燕其餘氣為東夷中絡發崑崙東南至岷山由蜀隴轉北而東為終南長安之地由閔中出至大華伊闕是為洛陽南絡發崑崙崑崙逸東南而行至大岷

山其背為西戎直南折而東為五嶺其餘氣為南蠻復折而東北大盡於建康其支結為吳閩越。冀州自雲中上黨轉換而來三面繞河東北俱海包護重疊堯舜禹舊都也但四旁險阻貢輸非後世所宜且河徒而南氣太洩矣燕京氣非正結下沙轉少藩籬單薄而河南之徙與冀同之長安古稱四塞之固豪傑有取焉然貢輸艱辛後世費冗即今能處之耶洛陽天地之中泰岳翻身顧祖東海外蕩江河前向萃產賢貴凝聚有因顧今河徙斷其來脉者三矣而會通河復加截之其力遂微大岷而下至於五嶺環抱中原皆無南則吳閩越信為偏霸之居無疑也今之一大也。會。金陵丘

塹長江護持不少車舟會集財用易輸世之江
不得五
中偏安不可以固大是安於建康之說而不能入建康以天
下夫安於建康者知守江而不知用淮於江知固淮而不知
用天下於淮知據武冒之上游而不知上游之守鎮知積貨
之易而不知散貨以用於四方知南兵之難振而不知練兵
於北之可用故金陵不可以故常論當有知者矣

